



Manual per ina dumonda da contribuziun per projects per il rinforzament da la promoziun da la sanadad e da la prevenziun

L'Uffizi da sanadad po vegni dumandà per in sustegn finanziel. Sustegnids vegnan projects che rinforzan la promoziun da la sanadad e la prevenziun en il chantun Grischun e che van a prà cun la strategia da la sanadad publica chantunala.

Tenor artitgel 7 alinea 2 da la lescha da sanadad chantunala po il chantun Grischun conceder contribuziuns a projects per la promoziun da la sanadad e la prevenziun a norma dals meds finansials che stattan a disposiziun. La fixaziun da las contribuziuns succeda sin basa da l'evaluaziun da la dumonda. Dumondas da contribuziun èn d'inoltrar a l'Uffizi da sanadad dal Grischun.

Criteris per il dretg da contribuziuns

Il dretg da survegnir contribuziuns han projects che van a prà cun la strategia da l'Uffizi da sanadad e che adempleschan ils criteris enumerads. Ils meds finansials che stattan a disposiziun per projects en il sector da la promoziun da la sanadad e la prevenziun èn limitads. Las dumondas vegnan tractadas tenor lur entrada. En il senn d'ina finanziaziun da partenza vegnan novs projects tractads da maniera prioritaria en cumparegliaziun cun projects che sa repetan. I na dat nagin dretg per daners da subsidi.

Cundiziuns formalas

- Ina dumonda sto vegnir inoltrada **cumpletta almain in mais avant l'entschatta dal project**. Cun ina resposta po vegnir quintà entaifer trais emnas. **In sustegn finanziel retroactiv n'è betg pussaivel.**
- Sunter la realisaziun dal project èsi da trametter ina curta documentaziun finala ed in rendaint detaglià a l'Uffizi da sanadad. Sin basa da questas indicaziuns succeda il pajament.

→ Ils formulars correspundents chattais Vus [qua](#) per il download

Chaussas essenzialas:

- Il project po vegnir attribuì ad in da noss secturs tematics.

Secturs tematics da la promoziun da la sanadad:

- **Moviment**
Il project ha la finamira da promover il moviment e d'al francar en il mintgadi.
- **Nutrimint**
Il project promova ina schientscha per in nutriment saun tar la grupp en mira.
- **Resursas e cumpetenzas da viver**
Il project serva al rinforzament da las cumpetenzas da viver da la grupp en mira, per che quella possa dumagnar cun success las sfidas da la vita en relaziun cun la vegliadetgna.

➤ **Prevenziun da dependenza**

Il project intermediatescha savida davart substanzas da dependenza e/u davart il cumportament da risico.

➤ **Promoziun da la sanadad complessiva**

Il project gida da concepì il setting elegì sco ambient da viver saun en il qual tut ils acturs sa participeschan da maniera activa ad ina convivenza communabla positiva.

→ Detagls davart ils secturs tematics da la promoziun da la sanadad e la prevenziun chattais Vus sin gesundheitsförderung.gr.ch

- Il project vegn realisà en il chantun Grischun resp. la populaziun grischuna stat en il focus sco gruppa en mira.

Finanzas

- Contribuziuns vegnan mo pajadas, sche l'atgna prestaziun da l'organisatur e contribuziuns da terzas personas èn exauridas.
- Las contribuziuns da l'Uffizi da sanadad cuvran maximalmain 50% dals custs totals e na muntan per regla betg a passa 10'000 CHF.
- Sch'i n'è betg fixà autramain, vegn il pajament fatg suenter avair examinà ils documents finals (documentaziun finala e rendaint detaglià). Las finamiras dal project descrittas en il plan dal project ston esser cuntanschidas.
- La summa concedida sto vegnir impundida exclusivamain per il project menziunà. Meds finanzials betg duvrads ston vegnir restituids resp. na vegnan betg pajads or.

Criteris d'exclusiun

Nagin sustegn finanziar da vart da l'Uffizi da sanadad na survegnan:

- Projects da caracter commercial
- Occurrenzas finanziadas parzialmain gia cun daners da G+S
- Projects che survegnan sustegn finanziar dad auter uffizis chantunals (naginas subvenziuns dublas), per exempel:
 - Promoziun da sport tras il fond da sport: www.av.s.ch
 - Promoziun da turissem ed economia: www.awt.gr.ch
 - Meds d'util public tras l'uffizi dal servetsch social: www.soa.gr.ch
 - Contribuziuns per il traffic plaun: www.langsamverkehr.gr.ch
- Projects che stattan en conflict cun activitads da l'Uffizi da sanadad u da ses partenaris

Voss contact

Christiane Eggert

Manadra da project per la promoziun da la sanadad e prevenziun

+41 81 257 64 08, Christiane.Eggert@san.gr.ch